

Slabosti sistema u oblasti migracija

Neutemeljene su tvrdnje, poput Dodikovih, da migranti ulaze u BiH s nakanom da tu i ostanu i promijene etničku sliku zemlje, kazala je ombudsmanka Džumhur

BiH mora hitno ojačati svoje logističke kapacitete kako bi se učinkovitije suočila s problemom ilegalnih migracija i ujedno zajamčila poštivanje prava koje takve osobe imaju, ključna je preporuka Ureda ombudsmana za ljudska prava BiH, sadržana u analizi predstavljenoj jučer u Sarajevu.

Ombudsmanka Jasminka Džumhur je kazala da je pojačani priliv ilegalnih migranata prouzročio brojne poteškoće i probleme u funkcioniranju tijela vlasti koja bi se

time trebala baviti, no da pritom treba biti jasno kako su potpuno neutemeljene tvrdnje poput onih da migranti ulaze u BiH s nakanom da tu i ostanu i promijene etničku sliku zemlje, javlja Onasa.

- Takve tvrdnje opetovano je iznosio sadašnji predsjedatelj Predsjedništva BiH Milorad Dodik. On je sredinom prošle godine ustvrdio kako "političko Sarajevo" planira dovesti u BiH 150.000 ilegalnih migranata iz islamskih zemalja. BiH nije država destinacije



Treba hitno ojačati kapacitete

za ilegalne migrante, nego je država tranzita, ali i podrijetla migracija, jer iz nje ljudi sve više odlaze, kazala je Džumhur.

Tokom 2018. u BiH je ušlo nešto više od 23.000 ilegalnih migranata, a Džumhur je podsjetila kako je njih tek 4 do 5 hiljada trenutačno na teritoriji BiH, dok su ostali nastavili put ka državama EU.

Džumhur je kazala kako je analiza pokazala tri ključne slabosti u BiH vezano za ilegalne migracije: postupak registracije, slab kapacitet sektora za azil pri Službi za strance Ministarstva sigurnosti BiH te slaba suradnja između susjednih država i problemi u provedbi sporazuma o readmisiji. Procjena je kako već uspostavljeni centri za smještaj dobro funkcioniraju, ali su potrebni dodatni kapaciteti i bolja koordinacija različitih razina vlasti.